

ה"ג  
DISSERTATIO  
DE  
CIRCUMC  
NIBU  
QVAM  
ADSPIRANTE DIVI  
ET  
ANNUENTE INCLU  
PHILOSOPH  
IN  
ACADEMIA

PRÆSES  
M. SVANTE GUST

Roneb. Livonus, SS  
&

RESPONDI  
CHRISTIANUS MEIB

*Ad Diem XXII. Novem*

Placidæ Eruditorum συ

H. L. Q.

---

L I P S I A  
Typis CHRISTOPHOR  
SS. h. e.




BT 1365

.D54


1690

c.1

Rare



## Procœmium.



Acilè mihi persuadeo fore, quibus incongruum atqve absurdum videatur, nosmet dissertatiunculæ huic nostræ Academicæ destinâsse id genus Sectarios, quorum omnis memoria; quin imò ipsa nomina quibusdam sepulta jam oblivione esse videantur. At enim spero me hæc ipsa sentientes faciliōres mox nacturum iudices, si pagellas has quales quales vel per transennam inspexerint, ex iisdemqve, si candidi velint esse Iudices, deprehenderint, ejusmodi facinora, quæ à Circumcellionibus perpetrata invenient, tantosqve errores, quos ipsos fovisse videbunt, ne à superioris ævi quidem temporibus, quibus Anabaptistarum sectæ exortæ sunt, adeo esse alienos, ut, nominibus saltim vel tectis vel mutatis, eosdem, si non omnes, plerosqve sanè recurrere fateri cogantur, qui, nisi & illos silentii potius involvendo esse peplo, quam tangendo, facile nobis, spero, assentientur. Quamobrem ne diutius in limine hæreamus, nos quam pertexendam suscepimus a vidè aggredimur telam, quod dum facimus, ut Numen *Δεισομέγιστον* clementissimè nobis vires ad id sufficientes largiatur, devotè imploramus!

# SYNOPSIS MATERIÆ:

## §. 1. *Nomen.*

2. *Ejusque derivatio.*
3. *Homonymia.*
4. *Synonymia.*
5. *Origo ex Donatistis.*
6. *Quorum nomina & Autor.*
7. *Schismatis occasio.*
8. *Calumniæ.*
9. *Damnatio.*
10. *Schismata.*
11. *Ad quæ Circumcelliones non referendi quod contra Danæum probatur.*
- 12, 13. *Facinoratum in genere.*
14. *Tum in specie contra August.*
15. *Et ipsa Sacra.*
16. *Pœnæ tum legibus indictæ.*
17. *tum à militibus Macarianis inflictæ.*
18. *Errores, & quidem in specie auctoræ.*
19. *Sanctitatis ostentatio.*
20. *Indignorum ad pœnitentiam coactio, ubi Danæus notatur.*
21. *Magistratus Contemptus.*
22. *Efficaciæ Sacramentorum à ministri fide & sanctitate dependentia.*
23. *Rebaptizatio.*
24. *Non tamen Donatistæ, ut Donatus Carth., cum Ario sensere.*
25. *Impugnatores duo sui ævi.*
26. *Periodus cui subjungitur*
27. *Epilogus.*

## §. I.



Vam aliàs solennem habere solent, q̄vi accuratiori res pensitant trutinâ, examinandi antè penitusq; evolvendi nominis rationem, quam ad rei ipsius accedant ventilationem; (Est enim *nomen quasi novimen*

*vimen imago quædam, quæ quid noscitur, instrumentumque cognitionis, judicante sic Magno Scaligero de causis Lingv. Lat. L. 4. C. LXXVI. pagin. 165. ) illam ipsam hoc locò nobis vel maximè necessariam esse, quis non videat? tum quod evolutâ voce lumen quoddam materiæ huic, quam ventilandam suscepimus, videtur accessurum, tum quòd prætermisâ nominis ratione, existimamus fore, ut res ipsa lateat obscurius.*

## §. 2.

Dictos autem fuisse *Circumcelliones à Cellis, circum* quas vagabatur vesana Schismaticorum cohors, tum ipsius vocis svadet Etymologia, tum viri qui historicam hanc attigere materiam, subinde indignant: ita enim Philip-  
pus Priorius Annot. ad L. 3. Opt. Milev. adv. Parmenian. p. 71. *Circumcelliones, ut docet August. in Psalm. 132. sic dicti quòd circum Cellas vagarentur, & dilucidius aliquanto Augustinus L. I. contra Gaudent. §. 28. Quis nescit hoc genus hominum maximè in agris territans, ab agris vacans & victus sui causa, Cellas circumiens rusticanas, unde & Circumcellionum nomen accepit, universo pene mundo famosissimum, Africani Erroris opprobrium: nec non Lambertus Danaus ad Augustin. Libr. de hæresibus ad Quodvultdeum C. LXIX. annot. 3. p. 322. Circumcelliones dicti, quod in agris cellas quasdam & tuguriola veluti austeram Eremitarum vitam imitantes haberent, in quibus habitabant primum soli, postea vero cum quibusdam mulieribus. Sed illinc in homines suæ doctrinæ adversarios impune irruebant &c.* Apparet igitur, *Circumcelliones à Circum cellas vagando*, sic fuisse appellatos. Ipsius verò Cellæ, quæ Circumcellionibus nomen dedit, originationem commodissimam suppeditat Becmannus *orig. lat. lingv. in hac voce*, qui derivat ab Hebræo *נִצְּבָה* quod *claustrum, carcerem*, nec non co-

*ercitionem* notat & à radice suâ נָחַץ *inclusit*, *continuit* &c. descendit: Salsè enim inquit Scaliger: *Aliqui, inter quos Varro, malignè eruerunt omnia è Latinis, Gracisque* (pace tuâ addam Summe vir) & Hebræis *suas invidere origines* l. c. L. I. C. XXIX. pag. 69.

§. 3.

Cùm verò exploratum mihi sit, ipsam *Circumcellionum* vocem non tantùm in significatione, quæ sic audit, *propriâ*, pro istis nimirum sectariis, qui seculò post Christum natum IV. vixerunt atque insanierunt, vulgò accipi, sed & esse quosdam Lexicographos non ignorem, qui vocem hanc sensu *appellativo* explicuere, scilicet pro *Erronibus*, qui in certis hinc inde sedibus vagantur, quos significatione germanicâ reddunt *Wanderer/ Irwische/ Landfabrer/ Vaganten/ Terminirer/ &c.* Dubium hîc nolim relinquare Lectorem Benevolum, hoscine (& quis negaverit uberrimam eorum quoque, quæ de his dici possent, dari seriem atque segetem? an illos dissertationi huic destinaverim; Schismaticos enim illos & IV. seculi Hæreticos hâc potissimum vice, de quibus istâc differerem, elegi.

§. 4.

Nosse autem & illud in antecessum juvabit, sæpè nominatos hosce Schismaticos non eodem semper apud *Autores*, penes quos de iis aliquid est legere, venire *Circumcellionum* nomine, leviusculâ quippe factâ per synopen immutatione *Circelliones* dici consueverunt Philipp. Prior. l. cit. & hi sunt quos Donatus Bagajensis Episcopus contra Paulum & Macarium Constantini in Africam Legatos incitavit, eosdem *Agnosticos* appellans, juxta Optat. Milevit. adv. Parmenian. L. 3. p. 71. cui tamen voci rectè Philippus Prior. substituit *Agonisticos*, quam *Circumcellionum* denominationem, ceu quæ fundamentum in

in re habeat, apud alios quoque invenire est. Affectabant autem hi ipsi quoque *Sanctorum καὶ ἐξοχήν* sic dictorum appellationem, Ducesque suos *Duces Sanctorum* nuncupabant. Sic enim Optat. Milev. *Maxido & Fasir ab ipsis insanientibus Circumcellionibus Sanctorum Duces appellabantur*, loco jam citato. Quâ ipsâ denominatione quâm longè fuerint indignissimi, ex sequentibus fortè constabit.

§. 5.

Ut vero *καὶ βαλιδῶ*, quod ajunt, rem ordiamur, ipsa Circumcellionum origo nobis erit ab ipsis incunabulis deducenda; quam autem, ut eò penitiùs perspiciamus, ipsa Donatistarum (ex his enim orti sunt Circumcelliones, illorum hi acerrimi fuerunt defensores, aut si cum Phil. Priorio dicere mavis, grassatores) historia paucis erit delibanda.

§. 6.

Dicti autem sunt *Donatista* (inanis enim est Scioli illius Grammatici Cresconii altercatio cum Augustino, *Donatianos* eos potius appellandos esse volentis, vid. Aug. contra Crescon. L. 2. c. 2. cit. Baron. Annal. Eccles. T. 5. ad A. C. 405. n. XLII. p. 258.) aliàs *Montenses* à montibus, in quibus extra urbem degebant, nec non *Campite*, quod coetus suos in campis colligerent, juxta Hieron. in Dialog. adversus Luciferanos; ipsorum Autor & præcipuus Schismatis hujus incentor fuit *Donatus* non Carthagenensis, sed à casis nigris Episcopus ex numidia oriundus, à quo Majorinus primus Donatistarum Carthagine Episcopus ordinatus est, quem quidem à sede Caesarum nigrarum ad Carthagenensem translatus, Majorino post in Schismaticâ factione successisse, contra Albaspinæum obs. 3. in Opt. qui id contra Augustinum asserit, negat, Nat. Alexand. Dissert. I. in histor. Eccles. sec. 4. p. 2. seq.



seq. ubi etiam Albaspinæi respondet objectionibus, ab altero tamen Donato, qui Majorino successit, eos potius dici, eò quod eloquentia sua hanc hæresin confirmaverit, vult Augustinus de hæresibus c. 69. & Natal. Alexander l. c. P. I. p. 31.

§. 7.

Faciendi autem Schismatis istæ fertur fuisse occasio. Morabatur nimirum Anno Christi CCCVI. Lucilla quædam mulier Hispana præpotens & factiosa Carthagine, quæ ante concussam persecutionis turbinibus pacem, dum tranquillus adhuc foret Ecclesiæ status, à Cæciliânô Carthaginensis Ecclesiæ Archidiacono teprehensa, quod ante sacram communionem os cujusdam hominis mortui etfi Martyris, sed nondum vindicati superstitionis osculis veneraretur, correptionem non ferens cum confusione irata discessit. Forte accidit, ut Mensurius, Carthaginensis tunc Episcopus, à Maxentio Romam evocaretur propterea, quod Felicem Diaconum famosæ contra dictum Tyrannum Epistolæ Autorem apud se occultasset, & Senioribus Ecclesiæ vasa & ornamenta commendaret, cui interea mortuo, Cœcilianus sufficiebatur, qui cum à Senioribus istis depositum Sacrum repeteret, hi communionem ejus averſati sunt; hisque se Lucilla conjunxit cum Botro & Cælesio, qui eundem Episcopatum ambierant, & spe suâ fuerant dejecti. Sic tribus convenientibus causis diversisque personis ingens Schisma conflatum est, quod confusæ mulieris iracundia peperit, ambitus nutrit, avaritia roboravit.

§. 8.

Ut autem Schismati suo colorem aliquem obducerent, vitiosam esse Cœciliani ordinationem confinxerunt, & Felicem Aptungitanum ejus ordinatorem & Cœcilianum

num ipsum traditionis accusarunt, quod in persecutione, quæ sub Maximiano & Dioclet. Imper. acciderat, sacros codices hostibus fidei & Idololatriæ Christianos persequentibus comburendos tradidissent, & Cæcilianum quidem Confessoribus in carcere constitutis, victum afferri prohibuisse calumniati sunt. Exinde Secundum Tigitanum Numidiæ Primatem Traditorum Principem cum aliis ejusdem notæ Episcopis Carthaginem convocarunt, qui Majorinum ( fuerat is Lector in Diaconio Cæciliani, Domesticus Lucillæ ) in Sedem Carthaginensem intruserunt, damnato prius Cæciliano in Conciliabulo 70. Episcoporum, qui traditionis crimine infames & à Lucilla muneribus redempti erant. Hæc Schismatis occasio & initia referente Opt. Milevitano, contra Parm. l. I. pag. 18, 19, 20. & ex eo Natal. Alexandr. Hist. Eccles. Sec. 4. P. I. Cap. 3. artic. 1. pag. 30, 31.

§. 9.

Parum autem profecturos sese, contra Cæcilianum videbant Schismatici, eò, quod Ecclesiæ Romanæ communione junctus esset, præterea quoque Constantino M. gratissimus, quapropter id omni annitebantur studio, suas ut in partes Imperatorem pertraherent, cui etiam tum in Galliis agenti hæc fini per Anulinum Africæ Procos. libellos suos Cæciliano oppositos transmiserunt, supplices simul Imperatorem rogantes, ut è Gallia judices de contentionibus, quæ ipsis cum Catholicis intercederent, decreturos ipsis daret. Lectis Donatistarum libellis subiracundè Cæsar respondit: *Petitis a me in seculò judicium, cum ego ipse Christi judicium expectem.* Dedit tamen Judices Imperator, Maternum Agrippinensem, Rheticium Augustodunensem, Marinum Arelatensem, qui cum Melchiade & aliis Episcopis Italis ab ipso deligendis causam Cæciliani

B

judi-

judicarent, quod jure fecisse Constant. probat Nat. Alex. Dissert. 5. Sec. 4 p. 24. usque 41. Dammati cum Principe suo Donatò à Casis Nigris, in Conciliò Romano Anno CCCXIII ad Imperatorem Constantinum provocaverunt. Quà de appellatione vid. Optat. Milev. l. 1. & August. 162. Cùm itaque Donatistæ adversus Melchiadis & Romanæ Synodi judicium exposulassent, Arelate Constantinus Synodum indixit, de quâ vid. Natal. Alex. Hist. Eccles. Sec. 4. C. 3. §. 10. p. 58. Dammati iterum in illâ sunt Donatistæ, Cæcilianus absolutus est; nesci quidem quieverere, sed iterum Constantinum appellarunt, à quo Romam primum, dein Mediolanum venire jussi, ibi postremò dammati sunt. Cùm vero toties causa cecidissent, tandem ipsum Constantinum corruptum esse, calumniabantur.

§. 10.

Nec verò ut in velabro olearii, ita & Donatistæ ad unum omnes id agebant, ut servatò arctissimo concordie vinculo, id tantum observarent, quod è re suâ esse videretur, sed in diversas mox ivère partes. Anno quippe Christi 344. Pontifice Siricio, imperatore Theodosio, cum obiisset Parmenianus, tertius (placet enim nobis Natal. Alexandri hypothesis) Donatistarum Episcopus, in ejus locum ab ipsis suffectus est Primianus, adversus quem postea ab aliis Donatistis creatus est Maximianus Diaconus, sicque ingens inter eos conflatum est Schisma, ut alii Primianistæ, alii Maximianistæ dicerentur; Prævaluit tamen Priminiani factio, dum Maximianistæ Catholicorum mentiti nomen, tum apud Imperatorem, tum apud Proconsules illos facilè extirpabant. Denique post multum temporis Maximianistas suis restitutos honoribus susceperunt Primianistæ. Et hoc quidem maximum fuit eorum Schisma. Fit præter hoc etiam Schismatis Rogatistarum

starum passim in historia Ecclesiasticâ mentio, nec non Claudianistarum, quæ inter Donatistas exorta in ipsa tamen herbâ sopita fuisse videntur, vid. de his Natal. Alex. H. E. Sec. IV. P. I. p. 48. seq.

§. II.

Cæterum persuadere mihi non possum, ut Danao hic assentiar, qui Circumcelliones quoque Schisma à Donatistis fecisse inquit: Sic enim ille ad August. L. de hæres. C. LXIX. annot. 3. p. 322. *Multa fuerant in secta & cœtu Donatistarum Schismata. Alii enim Rogatista dicti sunt: alii Maximianista, illi à Rogato & Rogatiano, hi vero à Maximiano: alii Circumcelliones --- alii Parmenianista: alii vero Cirtenses* (vid. de his Natal. Alex. l. c. p. 53.) Contrarium enim patet ex Phil. Prior. loc. supra cit. §. 5. ubi *Circumcelliones*, inquit, *erant Sectæ Donatistarum acerrimi defensores, seu potius Grassatores, --- quos cæteri Donatista, ubi mortem sibi ipsis consciverant, passim à illâ vitâ functos, maximis prosequébantur honoribus ac martyrum loco habebant, eosdem quoque* Donatistarum Primipilos vocat Botfacc. Moral. Ged. voc. Circumcell. Schisma igitur à Donatistis fecisse non putandi sunt, qui omnium in genere Donatistarum acerrimi erant defensores & Antesignani, quosve illi ob egregia sua (si Diis placet,) facinora ingentibus prosequébantur honoribus. Nec enim Syncretismum quendam inter Donatistas obtinuisse opineris, ut nimirum sese dissidentes mutuò tolerarent, communibus tamen Catholicos debellarent armis. Contrarium quippe apparet ex Primianistarum & Maximianistarum Schismate, illi enim contra hos ea omnia præstiterunt, quæ Donatistæ aliàs contra Catholicos unquam exercuere facinora, sicque suis ipsorum sese telis confodiebant. Vid. Nat. Alex. l. supra cit. p. 50. Et, ni fallor, Danaus ut inter Donatistarum Schismata reliqua referret, etiam Cir-

cumcellionum factionem, inductus fuit illis Augustini verbis, quæ mox illa, quibus fecerat mentionem Circumcellionum Augustissimus Hipponensium Pater, & in quæ commentatur Danæus, consequuntur, illa vero sunt hæc: *Veruntamen plerisque Donatistarum displicent tales, nec eorum communione contaminari se putant, qui Christiano orbi dementes obijciunt ignotorum crimen Afrorum.* Hæc, inquam, Augustini verba Danæum movisse existimaverim, ut Circumcellionum peculiarem quandam & à cæteris Donatistis Schismaticam existimaverit fuisse factionem. Verum nulla in istis Schismatis mentio, licet enim innuat D. Augustinus ipsos Donatistas ab immanissimis illis abhorruisse criminibus, quæ patrabant Circumcelliones nobis infra dispiciendis, præprimis nefanda *αυτοχθελια*, quæ reliquis Donatistis non adeò solenniserat, licet nec omnino illa abstinebant, ideò tamen Schisma fecisse non dicendi sunt. Adde præterea antecedentia & consequentia Augustini verba, nec enim solum ad hanc (Donatistarum) hæresin in Africâ & illos *pertinere* dicit, qui appellantur Circumcelliones, sed post horum factam mentionem, Schismata demum inter Donatistas facta recenset, loco citato, quibus omnino Circumcelliones addidisset, si Schismaticorum catalogo fuissent accensendi; quæ nos §. præced. tetigimus.

§. 12.

Remota sic Danæi sententia, dicimus, fuisse Circumcelliones colluviem pessimi generis hominum, qui nefandis hinc inde perpetratis facinoribus, quibus mortem plus semel meruerant, Schismaticis sese aggregabant Donatistis eorumque subscribebant Erroribus, ut non solum gladio Magistratus vindici sese subducerent, sed & impunitatem quorumvis scelerum posthac perpetrandorum obtinerent,

tinerent, quòd sine etiam pessima quæque flagitia specioso virtutis heroicæ velabant titulo. Cui assertioni nostræ non exiguam fœnerabitur lucem locus ille Optat. Milevit. L. 3. p. 70. *Anobis inquit Catholicis petatum esse militem dicitis; scita est quare in provincia proconsulari (Carthaginensi) tunc nullus armatum militem vidit? veniebant Paulus & Macarius, qui pauperes ubique diffunderent, (i. e. ut ipsa paupertas, quæ gravissimum vel sola onus, diffunderetur, inquit in h. l. Mericus Casaub.) & ad unitatem singulos adhortarentur, & cum Bagajensem civitatem proximarent, tunc alter Donatus ejusdem civitatis Episcopus impedimentum unitati & obicem venientibus suprâ memoratis opponere cupiens præcones per vicina loca & per omnes nundinas misit, Circumcelliones Agnosticos nuncupans, ad prædictum locum ut concurrerent, invitavit Quid enim & rectè h. l. distingvit Mer. Casaubonus & pro Agnosticis substituit Agonisticos Philipp. Prior: confer. suprâ §. 4.) & eorum illo tempore concursus est flagitatus, quorum dementia paulo antè ab ipsis Episcopis impiè videbatur esse succensa. Nam cum hujusmodi genus hominum ante unitatem per loca singula vagaretur, cum Maxido & Fasir ab ipsis insanientibus Sanctorum Duces appellarentur, nulli licuit securum esse in possessionibus suis, debitorum Chirographa amiserant vires, nullus creditor illo tempore exigendi habebat libertatem, terrebantur omnes literis eorum, qui se sanctorum Duces fuisse jactabant. Et si in obtemperando eorum jussionibus tardaretur, advolabat subito multitudo insana & precedente terrore Creditores periculis vallabantur, ut qui pro præstitis suis rogari meruerant, metu mortis humiles impellerentur in preces. Festinabat unusquisque debita etiam maxima perdere, & lucrum computabatur evasisse ab eorum injuriis. Etiam itinera non poterant esse tutissima. Quot Domini de vehiculis suis excus-*

*ante mancipia sua dominorum locis sedentia serviliter currerunt. Illorum judicio & imperio inter Dominos & servos conditio mutabatur. Huc usque Optatus facinora Circumcellionum enumerat.*

§. 13.

Ita nimirum Hebræorum illud Proverbium est verberbium : *מרשעים יבא רשע* nec à pessimis his quidpiam boni vel exspectari poterat, vel etiam perpetrari: En quanta horum rabies referente Augustin. ad Victorian. Epist. 122. *Ecce in Regione nostra Hipponensi, quoniam eam barbari non attigerunt, Clericorum, Donatistarum & Circumcellionum latrocinia sic vastant Ecclesias, ut Barbarorum fortasse facta mitiora sint. Quis enim barbarus excogitasse potuit, quod isti, ut in clericorum nostrorum oculos calcem & acetum mitterent, quorum membra etiam cetera plagis horrendis vulneribusque sauciarunt: Depredantur etiam domos aliquas & incendunt, fructus aridos diripiunt, humidos fundunt: Plangenda sunt hac cit. Baron. Tom. 5. Annal. ad A. C. 410. §. LIII. p. 339. &: Macrobius Episcopus Donatistarum Dux Circumcellionum stipatus cuneis perditorum utriusque sexus hanc atque illam circumiit aperuitque basilicas, quas Possessorum quantuluscunque timor clauserat. Cum ipso etiam est ille Donatus Diaconus rebaptizatus, qui cum fuerit Colonus Ecclesie, versatus est in illa cade precipuus Aug. Epist. 158. cit. Baron. l. c. p. 374. Et Epist. 68. Aug. Conclericos nostros plagis immanissimis quassaverunt Circumcelliones, laicis quoque & plagas gravissimas inflixerunt, & intulerunt eorum adificiis incendia: Presbyterum etiam quendam, quia propria & libera voluntate unitatem nostrae communionis elegit de domo sua raptum, & pro arbitrio immaniter casum, in gurgite etiam coenoso volutatum burda vestitum, cum quibusdam dolendum, quibusdam ridendum in pompa sui facinoris ostentassent,*

*taffent, abductum inde qvo voluerunt, vix post dies 12. dimiserunt: & ibidem: vos dicitis pati persecutionem, & oculi nostri ab armatis vestris calce & aceto exstingvuntur: cit. Natal. Alex. Sec. 4. P. I. p. 45. ô inhumanos homines! quis non è saxo & duro robore natos istos fuisse putet, qui adeò omnem exsuere potuerunt humanitatem?*

§. 14.

Quid verò in tantâ Circumcellionum rabie fecit Augustinus? Is, quamdiu aliqua spes fuit, id genus hominum rationibus posse convinci, non modò indefessam navabat operam cum verbis, tum scriptis, ut eos ad Ecclesiæ Catholicæ unitatem perduceret; sed & perpetuò pro maleficis istis apud eos intercedebat, penes quos jus esset de ipsis pœnas sumendi iustissimas. Sic enim Epistola 169. ad Marcellin: *Circumcelliones illos & clericos partis Donati, quos de Hipponensi Ecclesiâ ad iudicium pro factis eorum publicâ disciplina cura deduxerat, à Tua nobilitate comperi auditos, & plurimos eorum de homicidio, quod in Restitutum catholicum Presbyterum commiserunt & de cade Innocentii alterius catholici Presbyteri, atque de oculo ejus effosso & de digito præciso fuisse confessos. Unde mihi sollicitudo maxima incussa est, ne forte sublimitas tua censeat eos tanta legum severitate plectendos, ut qvalia fecerunt, talia patiantur. Id eoqve his literis obtestor fidem tuam, quam habes in Christo per ipsius Domini misericordiam, ut ne hoc facias, nec fieri omninò permittas* cit. Baron. A. C. 412. p. 374. & A. C. 398. p. 57. Circumcelliones contrà aliquoties vias armati adversus Famulum Dei Augustinum obsederunt, dumqve fortè iret rogatus ad visitandas & cohortandas Catholicas plebes, quod ipse frequentissimè faciebat, & aliquando cum easdem tetendissent ipsi insidias, evenit singulari Dei providentia, ut ductoris hominis errore, per aliam vi-

am



am cum suis comitibus, quàm quò tendebat, venisset, atque per hunc, quem postea cognovit errorem, manus impias evasisset? & cum in omnibus liberatori Deo gratias egisset, illi omninò suo more, nec clericis nec Laicis pepercerunt &c. Possidius in vità Augustini cap. 12. cit. Baron. Annal. Tom. 5. p. 58.

§. 15.

Nec verò hæc contenti patrâsse facinora Donatistarum Circumcelliones, sacrilegas in ipsa sacra coniecero manus, in basilicas contra importunitatem eorum claufas irruerunt ascensisque culminibus & nudatis tectis tegulas in supplices, qui ad altaria (à quibus supplices abstrahere, grande nefas habebatur ipsis gentilibus) confugerant, jactabant quibus plurimi cruentati aliqui occisi sunt; Eucharistiam canibus projicientes Opat. Mil. L. 2. Altaria evertentes, vel minimum abradentes ceu à Catholicis violata, calices sacros frangentes & conflantes, & promiscuè vendentes, velamina, Instrumenta Sacra, Codices & pallas ceu à Catholicis profanatas purificantes, nec in vivos tantum, sed in defunctos etiam catholicos favientes, eosdemque communi sepulturæ loco in coemeteriis arcentes. Idem L. 6. &c. Ex quibus abundè patet, quanta istorum hominum fuerit potentia, quantæ in Catholicos sub Juliano præprimis Apostata, injuriæ, quanti persecutionem turbines, tam vexatissimam aliàs undequaque affligerint Ecclesiam.

§. 16.

Quid autem? sicine Diabolo prorsus sæviendi concessa libertas? Adeone Deus Ecclesiæ suæ factus est immemor, ut effrenem hanc sævitiam diutius impunè ferre potuerit? Minimè verò. Postquam enim ingravescebant ipsorum tumultus, Imperatores pii edicta contra Schismaticos promulgabant, quibus abesse à civitatibus jubeban-

jubebantur Donatistæ, si Circumcelliones catholicis molestiam inferrent, juxta Baron. Annal. Eccl. Tom. 5. ad A. C. 398. p. 62. Et Constantinus quidem Magnus sententiam capitis primus in eos tulit, mox autem poenam capitis exilio & Basilicarum privatione, quas fisco vendicavit, commutavit Imperator. Post hunc Constans filius Exilii poenam iteravit, à quò non nisi Juliani Apostatæ edicto revocati sunt. Iisdem multam 10. Librarum auri indixit Theodosius Sen. lege lata, quam Honorius & Arcadius ejus Filii renovarunt, cujus meminit Augustinus Ep. 50. ad Bonifac. Et Lib. 3. contra Crescon. c. 43. 44. En verba Edicti Imp. Honorii & Arcadii: *Clerici Ministrique eorum (Donatistarum) ablati de Africano solo, quod ritu sacrilego polluerunt, in Exilium viritim ad singulas quasque regiones sub idoneâ persecutione mittantur. Ecclesiis eorum vel conventiculis prediisque (si qua in Ecclesias eorum hæreticorum largitas prava contulit) proprietati potestatique Catholica vindicatis.* cit. Baron. l. c. p. 373. Aliud Edictum Honorii & Arcadii præmittit Albaspinæus Editioni Optati Milevitani. Severissimas tandem leges in eos cæterosque Hæreticos tulere Theodosius & Valentinianus Imp. A. C. 428. vid. de his Nat. Al. locò sæpe cit. p. 65. usque ad 70.

§. 17.

Ubi verò legibus satis coërceri non poterant, vis circumcellionum vi subinde repellenda fuit. Cum enim Paulus & Macarius Constantis in Africam ad sublevandam paupertatem & concordiam stabiliendam legati, (quorum §. 12. supra meminimus) à Schismaticis contumeliose haberentur ingentique fastu omnibus Schismaticis communi & munera Imperat. repudiaissent & concordia incitamenta excussissent, & Donatus Bagajensis Circumcelliones contra legatos Imper. concitasset, Macarius ad cohibendum

dum furorem milites armatos à Silvestro (ni fallor idem est qui Taurinus dicitur Optato L. 3. p. 71.) Comite postulavit. *Is tunc ad eorum literas ire jussit militem armatum, per undinas, ubi Circumcellionum furor vagari consueverat. In loco Octavensi (inquit Optat.) occisi sunt plurimi, decurtati multi, quorum corpora usque in hodiernum per dealbatas aras aut mensas (i. e. per dealbatos tumulos in ara formam constructos, nam super Martyrum monumentis & memoriis sacra olim fiebant, quæ ut commodè possent fieri, monumenta in altaris formam erigebantur. Donatista igitur illis Circumcellionibus, qui & in illa Macarii expeditione interierant, aras posuerant & monumenta, inquit in h. l. Albaspin.) poterant numerari. Ex quorum numero cum aliqui in Basilicis sepeliri coepissent, Clarus Presbyter in lato Subbulensi ab Episcopo suo coactus est, ut in sepultam faceret sepulturam (i. e. ut ab Ecclesia sepulturas illas efficeret. Idem) quo factò Donatista conquesti sunt armato milite ut eorum adversarios & Ecclesiam Catholicam Macarianam dixere iisque Macariana tempora tanquam crudelia & odiosa objicerent, cum tamen persecutionem illam sua ipsorum pertinaciæ debuerint, & Macarium non nisi vim repulisse, contra eos probet Optat. Milev. L. 3. conf. Philipp. Prior in eundem.*

Schisma eorum mox in Hæresin evasit. Igitur Brores jam dicendi sunt Circumcellionum, quos cum Donatistis communēs habuisse eos, deprehendimus, nisi quod majorem ostendere zelum, si tamen zelus dicendus est, Circumcelliones, qui uti promiscuè sese jactabant esse messorēs zizaniorum à Domino emissos, teste Augustino, ita nec aliis (obvios enim quosque in plateis & agnis homines à suis erroribus alienos cadebant jugulabantque, & rectè se id posse contendebant juxta Danæum ad Aug. de

Hæres.

Hæres. p. 321.) nec sibi ipsis parcebant sed instinctu plusquam belluino ( Et quæ bellua tam est immanis ut proprios inanus deserviat?) sibimet violentas vel ipsi prætextu Martyrii injiciebant mano vel percussores sibi suam in perniciem conducebant, qui omni antea deliciarum genere præpastos atque pinguefactos lethaliter vulnerarent, & si sic scopum suum minus obtinuissent instar Corybantium furentes & debacchantes ex altissimorum montium cacuminibus viles præcipitabant, cum corporibus animas, idque lesa conscientia posse docebant, sic verum se subire Martyrium existimantes, ac pessima illa vita functos ceteri Donatistæ maximis prosequiebantur honoribus, quos *præcipitatorum ultero cadaverum cultus sacrilegas & profanas* merito dicit Aug. adversus lit. Petiliani L. 1. C. 24. cit. Baron. Annal. Eccl. Tom. 5. ad A. C. 398. p. 61. vid. etiam Theodoret. Tom. V. Opp. Lib. 4. Hæres. fabb. p. 280. Optat. Milevit. adv. Parmen. L. 3. p. 73. Phil. Prior. in h. l. p. 71. & Natal. Alex. H. E. Sec. 4. C. 3. §. 5. p. 46.

*Præconea* Ecclesiam Christi visibilem constare deberent nisi ex sanctis & nullâ labe infectis docebant cum Novationis Donatistæ, cum his Circumcelliones: unde ab omnibus & universa Ecclesia segregatos Catharosque sanctos atque perfectos se esse, à verò scelerum & rebellionis sui sensu alieni jactabant, Enthusiastos etiam atque speciales revelationes, ut eo plausible dogmata sua confirmarent, profitebantur. Quâ præconceptâ opinione omnes orientis & occidentis Ecclesias infectas pollutas ac reas esse existimabant, consequenter etiam in toto Terrarum orbe, præterquam in angulo Africæ ullum Episcopum aut Presbyterum reperiri negabant. Unde etiam Schismatæorum & sacrilega illa in orthodoxorum Tempora facinora, de quibus supra.

Ex eodem foetido fonte promanavit & ille ipforum Error, quod omnes orthodoxos, quàmvis innocentes ad poenitentiam cogerent, eamque idololatriæ ac homicidis ultro etiam reluctantibus aut certè immerentibus, pueris etiam innocentibus imposuerint. juxta Albaspin. Observat. I. in Opt. Error. 10. & observ. 3. Equidem quò nixus Augustini loco Danaus p. 319. ad Aug. de Hæresi inter Errores Donatistarum referat, hunc quod statuerint: *Neminem ad bene vivendum esse compellendum, urgendumque, non tantum, ne sit invita, & coacta pietas & obedientia Dei, sed ut libera & effrenis sit vitiorum Errorumque omnium licentia, sec. Augustin.* non facile divinavero, quam quidem assertionem uti Albaspinæo è diametro esse contrariam videmus & Angelicæ illi sanctitati, quam jactabant, adversari fatetur ipse Danaus, ita nec in Optato, nec in Augustino ullum hujus erroris vestigium invenire licuit, quod quidem, si mihi suppeditetur, Donatistas tantum in initio Schismatis ad poenitentiam coëgisse, facile concessero, posthac vero neminem ad bene vivendum esse compellendum censuisse.

Quam indignè Magistratum hæretici hi tractaverint, ex nefandis, quas contra eum evomere, vocibus, lupo & pestes Ecclesiæ eos appellitando apparet, unde & Hæreticos Magistratus autoritate coërcendos negarunt.

Sacramentorum efficaciam ex Ministri illa administrantis sanctitate & fide metiendam esse, non verò ex instituentis Dei promissione & Spiritus S. *ἐνεργεία* dependere docebant, unde Baptismum ab impio Ministro administratum impium esse & pollutum docebant.

Ex hac hypothese ille fluebat Error, quod à Catho-  
 cis baptizatos rebaptizarent; quia eos ceu à Traditoribus &  
 malis Ministris tinctos pro non baptizatis haberent, de  
 quo sic August. *Ede in Regione nostra Hipponensi quoniam*  
*eum barbari non attigerunt; Clericorum Donatistarum & Cir-*  
*cumcellionum latrocinia sic vastant Ecclesias ut Barbarorum*  
*fortasse facta mitiora sint.* (quæ intercedant hic vid. S.  
 19. supra) *fructus aridos diripiunt; humidos fundunt & talia*  
*ceteris comminando, multos etiam rebaptizari compellunt.*  
*Eridie quam ista ad Te dictarem, ex uno loco per huiusmodi*  
*terrores 48. anime rebaptizate mihi nunciate sunt.* Ad Vi-  
 ctoriam Ep. 122. cit. Baron. *Quamvis enim Donatistæ alias*  
*cum orthodoxis unum tantum esse baptismum mordicus te-*  
*nerent juxta Albaspin. baptizandi tamen vim hæreticis &*  
*idololatriis, (hoc ipsis nomine veniebant orthodoxi) de-*  
*negabant; unde Baptismum à Catholico Ministro admini-*  
*stratum pro irritato reputabant. Nec enim Rebaptizatio-*  
*nem à Donatistis inventam, sed ceu dogma à divo Cypria-*  
*no inductum, ab ipsis penes quos tantæ existimationis erat*  
*ille Vir, ut quicquid docuerat pro regula fidei haberetur,*  
*retentam fuisse notat Albaspin. observ. 1. ad Opt. Err. 4.*  
*Errorem hunc Augustinus Libr. 6. de unico baptismo re-*  
*futavit, Cyprianum tamen postea ejurasse perversam il-*  
*lam opinionem, suspicatur idem Libr. 5. de Baptism.*  
*contra Donatistas, illudque etiam putat S. Hieron. Ep. 48. &*  
*Dialogo contra Luciferianos. Ita enim inquit Cyprianus*  
*Ep. 3. Baptismum repeti Ecclesiastica prohibent regula, & semel*  
*sanctificatis nulla deinceps manus iterum consecrans præsumet*  
*accedere.* Eorum verò Exemplo, qui formæ Baptisma-  
 constituentis defectu baptizati, post rebaptizati fuerant  
 ( vid. August. de fide ad Petrum c. 3. ) Cyprianum & Firmi-

lianum, qui hæreticos & schismaticos omnes censuerunt rebaptizandos transversum actos opinatur Phil. Prior. ad Opt. p. 97. In altero quoque Donatistarum Concilio sub Donato Pseudo-Episcopo Carthaginensi habito Traditores Donatistarum suffragio ad communionem recepti sunt, etiamsi rebaptizari nollent. sec. Natal. Al. P. D. P. p. 59.

§. 24.

Præter hos errores Donatus Carthaginensis Ariana hæresi infectus fuit, teste Augustino Lib. de hæres. ad QuodvultDeum. C. 69. p. 314. *Exstant, inquit, virgines eius* (loquitur de Donato Carthaginensi Episcopo) *ubi apparet eum etiam non Catholicam de Trinitate habuisse sententiam: sed quamvis ejusdem substantiæ, minorem tamen Patre filium & minorem filio putasse Spiritum Sanctum, & verum in hunc, quem de Trinitate habuit, errorem Donatistarum multitudo intenta non fuit, nec facile in eis quisquam, qui hoc illum sensisse noverit, invenitur.* Eundem de Trinitate errorem inter Donatistarum & Circumcellionum errores auditum fuisse, cum Augustino negat Philippi Prior. ad Opt. L. 3. p. 73. Quis jam non miretur Danaum in Augustinum de hæresibus commentantem nihilominus afferre Donatistas Arianis consentire, dum filium Patre minorem faciant, & filio Spiritum S. subjiciant. magis Theodoretum motum autoritate, qui Libro IV. Hæret. fabularum Tom. 2. Opp. p. 280. *Donatista, inquit, in hærescum Arianis conveniunt*, quam disertis his Augustini verbis, & quamvis Donatum Carthaginensem Synodo Sardicensi Arrianæ interfuisse prodatur August. E. 3. contra Crescon. C. 34. Arrianæ tamen Hæresi Donati assecclas addictos fuisse hinc nondum sequitur.

§. 25.

Et hæc sunt præcipua Errorum Capita, quibus Donati-

natistarum Circumcelliones laborarunt, ad quos cæteri vel revocari commodè poterunt, vel inter Errores non ab Ecclesiâ purè orthodoxâ, sed prout Papisticis inquinata est abusus, referuntur, qualis e. g. ille est, quòd Monachorum statum vitamque improbaverint, Nat. Alex. P. I. H. E. p. 47. Ad quos tamen ipsorum Errores non siluisse putandi sunt, Doctores orthodoxi, sed primo quidem Optatus Milevitanus Libris. 7. (si quidem septimus illi est adscribendus) & post hunc Augustinus plurimis scriptis, quorum Catalogum recenset Nat. Alex. H. E. Sec. 4. p. 80. 81. 82. 83. eos & strenuè impugnarunt & feliciter confutarunt.

§. 26.

Non tamen statim savire desit furiosa hæreticorum cohors, quandoquidem etiam Tiberii secundi Imp. Constantinop. ætate adeoque usque seculi VI. finem super-  
fuit, & suo seculo, hoc est eodem multis adhuc superstites fuisse Donatistas, fidem faciant Epistolæ Gregorii M. Libro enim 3. Epist. 32. ad Pantaleonem Africæ Præfectum: *In illis, scribit, partibus, quantum didicimus, ita Donatistarum crevit audacia, ut non solum de suis Ecclesiis autoritate pestiferarentur Catholica fidei Sacerdotes, sed & quos verè Confessione aquæ regenerationis abluerat, rebaptizare non metuerent* Nat. Alex. Sec. 4. P. I. p. 83. 84. Desuisse jam dicere possemus sectam Circumcellionum, nisi & superiori seculo quidam Anabaptista eodem furore correpti fuissent. De quibus tamen hic agere instituti nostri ratio non per-  
mittit.

§. 27.

Ex hæc sunt, quæ impræsentiarum de Circumcellionibus differere pro exiguo ingenii nostri modulo potui-  
mus. Tuæ interea L. B. si expectationi non ex asse omnia responderint, veniam nihilominus largieris, Tibi ist-  
hòc



hòc vel aliò de argumento a  
lubenter utramque daturis  
concessis his clement

Θεῶν ἀποστολῶν

---

## COROI

I.  
Ad utilitatem securita  
privatarum ædium, muniti  
expedit.

2  
Asyla Levitica moder  
patrocinantur.

Legitimus mercatura  
utilis, sed etiam honestus &

Non minor est virtus

Missæ à voce מַסָּחָה  
tùm allusiva.

Hæretici si non sint se  
mi, capitali supplicio afficie

7  
Rectè Jacobus I. Δωρε  
tia majestate non imminui,  
us dicit, quantò is qui pecc

mento accuratius fortassis disserturo  
e daturis aurem. Nos interea pro  
clementer viribus, reddimus

πειραγία Δόξαν.

## ROLLARIA.

1.  
securitatem & tutelam Civitatis &  
,munitiones firmissimas exstruere

2.  
a modernis illis Pontificiorum non

3.  
ercaturæ usus non modò civitati est  
neustus & necessarius.

4.  
st virtus, quàm quærere, parta tueri.

5.  
מַצֵּי Dan. ii. 38. derivatio est tan-

6.  
n sint seditiosi & manifestè blasphe-  
o affiendi non sunt.

7.  
us I. Δώρ. βασιλ. ad Henr. Fil. P. i. vi-  
nminui, sed tantò exaggerari gravi-  
qui peccat alios dignitate antecellit,